

Literatura

Cantares Gallegos

Rosalía de Castro

galaxia

Biblioteca Básica da Cultura Galega

15

Adiós, ríos; adiós, fontes;
 adiós, regatos pequenos:
 adiós, vista dos meus ollos:
 non sei cando nos veremos.

Miña terra, miña terra,
 terra donde me eu criéi,
 hortiña que quero tanto,
 figueiriñas que prantéi,

prados, ríos, arboredas,
 pinares que move o vento,
 paxariños piadores,
 casiña do meu contento,

muiño dos castañares,
 noites craras de luar,
 campaniñas trimbadoras
 da igresiña do lugar,

amoriñas das silveiras
 que eu lle daba ó meu amor,
 camiñiños antre o millo,
 ¡adiós, para sempre adiós!

¡Adiós, gloria! ¡Adiós, contento!
 ¡Deixo a casa onde nacín,
 deixo a aldea que conoso
 por un mundo que non vin!

Deixo amigos por estraños,
 deixo a veiga polo mar,
 deixo, en fin, canto ben quero...
 ¡Quén pudiera no o deixar...!

.....

Mais son probe e, ¡mal pecado!,
 a miña terra n'e miña,
 que hastra lle dan de prestado
 a beira por que camiña
 ó que nacéu desdichado.

Téñovos, pois, que deixar,
 hortiña que tanto améi,
 fogueiriña do meu lar,
 arboriños que prantéi,
 fontaña do cabañar.

Adiós, adiós, que me vou,
 herbiñas do camposanto
 donde meu pai se enterróu,
 herbiñas que biquéi tanto,
 terriña que vos crióu.